

UGOVOR BR. 17-14-31521-25

o uslugama umnožavanja i reprodukcije pisanog materijala

I – UGOVORNE STRANE

- A. Naručilac usluga:** **KANTON SARAJEVO**
Stručna služba za zajedničke poslove
ul. Reisa Džemaludina Čauševića 1
koju zastupa načelnik Fikret Jašarević
u daljem tekstu: **Naručilac**
- B. Izvršilac usluga :** **“RACIONAL” d.o.o Sarajevo**
ul. Grbavička br. 6
koga zastupa direktor Fuad Džendžo
daljem tekstu: **Izvršilac**

II - PREDMET UGOVORA

Član 1.

Naručilac naručuje, a Izvršilac preuzima obavezu da za potrebe Naručioca, prema uslovima i odredbama ovog Ugovora i na osnovu prihvaćene ponude Izvršioca broj: 352/13 od 06.11.2013. godine, zaprimljene pod brojem: 17-14-29062 od 06.11.2013. godine, vrši usluge umnožavanja i reprodukcije pisanog materijala za potrebe organa Kantona Sarajevo.

Član 2.

Izvršilac se obavezuje da će po nalogu Naručioca, a na osnovu prethodno izrađenog i od strane Naručioca kroz dostavljanje ponude prihvaćenog projektnog zadatka, pružiti sve usluge umnožavanja i reprodukcije pisanog materijala organima Kantona Sarajevo, koje su naznačene u projektnom zadatku.

Prema uslovima ponude i prihvaćenog projektnog zadatka Izvršilac je dužan opremu za umnožavanje i reprodukciju pisanog materijala instalirati na slijedeće lokacije:

- *Centralna zgrada Kantona Sarajevo u ul. Reisa Džemaludina Čauševića 1 (4 etaže);*
- *Zgrada “Stupex” u ul. Hamida Dizdara 1 (4 etaže);*
- *Zgrada “Anex” u ul. Bulevar Meše Selimovića do br. 12 (3 etaže);*
- *Zgrada Trezora Ministarstva finansija Kantona Sarajevo u ul. Maršala Tita 62;*
- *Prostorije Kantonalne uprave za inspeksijske poslove u ul. Dalmatinska 2/1;*
- *Prostorije Prosvjetno pedagoškog zavoda i trezorske jedinice Ministarstva za obrazovanje, nauku i mlade Kantona Sarajevo u ul. Terezije 48 (2 etaže);*
- *Prostorije organa Kantona Sarajevo u Poslovnoj zgradi KJP ZOI “84 OCS d.o.o. Sarajevo u ul. Branilaca Sarajeva 21.*

Oprema će se instalirati prema broju i tehničkoj konfiguraciji koja je predviđena prihvaćenim projektnim zadatkom, koji je sastavni dio ovog Ugovora.

Ukoliko se ukaže potreba za dodatnim količinama opreme, ista će se instalirati samo uz saglasnost Naručioca i ugovarat će se kroz potpisivanje Aneksa ugovora.

III – KVALITET I OBIM USLUGA

Član 3.

Izvršilac se obavezuje da sve usluge koje zahtijeva Naručilac izvede prema prihvaćenoj projektnoj dokumentaciji, uz potpuno poštivanje tehničkih i svih drugih elemenata koji su definisani prihvaćenom projektnom dokumentacijom, vodeći računa o usaglašenosti pružanja zahtjevanih usluga sa važećim propisima, standardima i normativima za ovu vrstu usluga.

Član 4.

Za sve izvedene usluge i kvalitet istih (parcijalni ili kumulativno), Izvršilac je dužan o svom trošku izraditi i Naručiocu u svakom trenutku dostaviti odgovarajuću dokaznu dokumentaciju (pisanu) o ispravnosti i kvalitetu uređaja za realizaciju usluga koje su predmet ovog ugovora.

Član 5.

Eventualna odstupanja od obima ovim ugovorom i projektnom dokumentacijom predviđenih usluga, moraju biti prethodno odobrena od strane Naručioca, odnosno od strane nadzornog organa.

IV – KONTROLA

Član 6.

Stručni nadzor nad izvođenjem usluga vršit će Stručna služba za zajedničke poslove Kantona Sarajevo preko Odsjeka za operativno tehničke poslove i Odsjeka za opšte poslove.

V – GARANCIJA O KVALITETU

Član 7.

Izvršilac daje garanciju na kvalitet izvedenih usluga i kvalitet opreme (kopir aparati), rezervnih dijelova i materijala (tonera) koji se koristi za realizaciju ugovorom predviđenih usluga.

Za svu opremu, rezervne dijelove i materijal, Izvršilac je dužan Naručiocu, dostaviti dokaze o kvalitetu, odnosno garantne listove proizvođača za opremu, ugrađene rezervne dijelove i tonere.

Član 8.

U slučaju pojave nedostataka (kvara) u toku vršenja usluga, odnosno usljed naknadne provjere neposredno nakon izvedenih usluga, Izvršilac je dužan da odmah, a najdalje u roku od 24 (dvadesetčetiri) sata po pozivu Naručioca pristupi njihovom otklanjanju i iste otkloni o svom trošku.

U slučaju da se Izvršilac po pozivu Naručioca ne odazove u roku iz stava 1. ovog Ugovora, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

Član 9.

U slučaju naknadne pojave nedostataka u kvalitetu izvedenih usluga, čime bi bili ugroženi "životi ljudi" ili prouzrokovane veće materijalne štete nad opremom i drugim uređajima, Izvršilac je dužan da otklanjanju nedostataka pristupiti odmah po pozivu Naručioca. U slučaju da Izvršilac to izbjegava, Naručilac će postupiti na način predviđen članom 8. ovog Ugovora.

VI – CIJENA USLUGA

Član 10.

Prihvata se jedinična cijena usluge ponuđene u ponudi broj: 352/13 od 06.11.2013. godine:

1. *Umnožavanje i reprodukcija pisanog materijala
na papiru A4 formatu u crno bijeloj štampi ... 1 kom. x 0,028 KM (cijena bez PDV-a),*
2. *Iznos PDV-a 0,004 KM*

3. *Umnožavanje i reprodukcija pisanog materijala
na papiru A4 formata u crno bijeloj štampi 1 kom. x 0,032 KM (cijena sa PDV-om)*

Član 11.

Izvršilac nema pravo na promjenu ugovorene jedinične cijene, po bilo kom osnovu, te u tom smislu utvrđena jedinična cijena smatra se fiksnom i nepromjenljivom. Cijena usluge se može mijenjati samo u izuzetnim slučajevima (velike oscilacije na tržištu) uz obostranu saglasnost Naručioca i Izvršioca, što će se definisati Aneksom ugovora.

VII – NAČIN I USLOVI PLAĆANJA

Član 12.

Ugovorne strane su se sporazumjele da Naručilac, Izvršiocu izvedene usluge plaća na

- žiro račun broj: **1374706003008387** (»Moja banka« d.d. Sarajevo).

Član 13.

Fakturisanje usluga će se vršiti mjesečno nakon završetka vremenskog ciklusa od mjesec dana, Izvršilac je dužan da na osnovu elektronske evidencije, utvrdi tačan broj štampanog materijala, te uz ovjeravanje naloga od strane nadzornog organa (Komisije) i ovlaštenog lica Naručioca, u najkraćem vremenskom periodu izvrši fakturisanje obavljenih usluga. Izvršilac usluga će obavljene usluge fakturirati odmah, a najduže u roku od 15 dana, dok će Naručilac fakturisane usluge plaćati **u roku od 90 dana**, od dana ispostavljanja fakture.

VIII – TRAJANJE UGOVORA, ROKOVI I USLOGI IZVOĐENJA USLUGA

Član 14.

Ovaj Ugovor stupa na snagu od **01.01.2017. godine** i **traje do 30.04.2017. godine**, uz mogućnost njegovog produženja za najviše godinu dana pod istim uslovima.

Naručilac će na kraju svake Budžetske godine vršiti preispitivanje realizacije ovog Ugovora, s ciljem utvrđivanja kvaliteta i opravdanosti realizacije istog. Ukoliko Naručilac utvrdi odstupanja u realizaciji od ugovorom definisanih elemenata, odnosno utvrdi neisplativost daljnje realizacije ovog Ugovora, ima pravo jednostranog raskida ovog Ugovora, bez bilo kakvih uslovljavanja od strane Izvršioca.

Član 15.

Izvršilac je kod vršenja usluga odgovoran za:

- sprovođenje mjera tehničke zaštite na radu,
- sigurnost objekta i stvari u njemu za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem usluga.

Član 16.

Izvršilac je obavezan vršenje predmetnih usluga, ako je to u skladu sa važećim propisima, prijaviti nadležnom općinskom organu.

IX - PENALI I KAZNA

Član 17.

U slučaju da Izvršilac usluga svoju ugovorenu obavezu ne izvrši u ugovorenom roku i u obimu iz usaglašenog osnovnog projektnog zadatka, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti usluga za prethodni mjesec, a najviše do 5% od vrijednosti izvedenih usluga.

Član 18.

Ugovorena kazna će biti obračunata kroz ispostavljanje mjesečne fakture, odnosno konačnim obračunom usluga.

X - DOKUMENTACIJA

Član 19.

Izvršilac je obavezan voditi evidenciju svih pruženih usluga (elektronsku i pisanu), od kojih jedan pisani primjerak za potrebe Naručioca.

Obostrano ovjereni – potpisani listovi evidencije čine sastavni dio usaglašenog obračuna vrijednosti usluga, odnosno fakture za izvršene usluge.

XI - KONAČAN OBRAČUN USLUGA

Član 20.

Konačan obračun usluga i ispostavljanje fakture će se izvršiti najdalje u roku od 15 /petnaest/ dana tekućeg perioda za prethodni obračunski period (mjesec), po izvršenom tehničkom prijemu ili primopredaji ugovorenih usluga.

XII - IZMJENA ODREDBI UGOVORA, RASKID UGOVORA

Član 21.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 22.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XIII - PRELAZNE I ZAVRŠNE ODREDBE

Član 23.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 24.

Ovaj ugovor stupa na snagu danom potpisa od strane ugovornih strana.

Član 25.


Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

IZVRŠILAC:
"RACIONAL"
d.o.o. Sarajevo

NARUČILAC:
KANTON SARAJEVO
Stručna služba za zajedničke poslove



Broj: DP-413-12/16
Sarajevo, 20.12.2016. godine



Broj:17-14-31521-25
Sarajevo, 26.12.2016. godine.